



Procedemento para a elaboración do Plan docente anual (PDA) 2025/2026

(Aprobado no Consello de Goberno do 19 de decembro de 2024)

1. Encargo docente

O centro deberá realizar o **encargo** da docencia de cada materia **ás áreas de coñecemento** ás que foron adscritas de acordo co PDA autorizado para cada titulación ou, no caso de novas implantacións, coa proposta da Comisión Redactora. Nas **materias de grao**, o encargo poderá facerse entre as áreas ás que se fixo a adscripción funcional.

O centro efectuará a **proposta de grupos** tendo en conta o aumento ou a diminución do número de estudantes en cada curso e/ou materia. Os aumentos de grupos que se propoñan deberán estar xustificadas. Para estimar o número de estudantes dunha materia, computarase todo o estudiantado de nova matrícula e sumarase o de segunda e sucesivas matrículas ata un máximo do 20% do de primeira matrícula. Manterase o mesmo número de grupos nun mesmo curso, utilizando como criterio a media de estudantes das materias do curso.

No caso de encargar a docencia dunha materia a máis de unha área ou departamento, debe especificarse a distribución de horas que corresponder.

No caso de **implantación ou de modificación de graos**, o centro deberá remitir con anterioridade a proposta de adscripción funcional das materias de formación básica e obrigatorias.

2. Organización docente nas titulacións de grao

O número de horas presenciais por crédito ECTS situase entre 7 e 10 horas, utilizando 10 horas para o tipo de actividades presenciais que impliquen menor traballo posterior por parte do estudiantado, e sempre que o número medio de horas presenciais no grao non sexa superior a 8,5 horas. Neste caso, a implantación será progresiva en función das dispoñibilidades orzamentarias.

Os modelos docentes elixidos terán unicamente dous niveis no tamaño dos grupos: docencia expositiva (DE) e docencia interactiva (DI).

Os centros poderán aumentar a docencia presencial nas materias de formación básica e obrigatorias dos primeiros cursos das titulacións de grao de acordo cos seguintes modelos:

Materia cuadrimestral de 6 ECTS	Horas de DE por grupo	Horas DI por grupo	Horas /ECTS	Horas / materia (con 1 GDE e 3/4 GDI)
Modelo 1	21	21	7	84-105
Modelo 2	30 (2h / semana)	21 (1,5 h /semana)	8,5	93-114
Modelo 3 (alta interactividade)	30 (2h /semana)	24 (2h /semana)	9	102-126

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	1/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





Modelo 4 (baixa interactividade)	45 (3h/semana)	15 (1h/semana)	10	90-105
Tamaño do grupo	60-80 estudantes	20-25 estudantes		

3. Docencia en grupo reducido

Os grupos reducidos (TGR) só se poderán manter nas materias das titulacións de Ciencias da Saúde ou naquelas que o xustifiquen por razóns de seguridade.

4. Créditos teóricos e prácticos

O número de horas de docencia expositiva (DE) non poderá ser inferior ao 50% do número total de horas de cada materia, agás naquelas materias que xustifiquen a necesidade de máis intensidade de docencia interactiva/prácticas na memoria do título. En calquera caso, o número de horas de docencia por crédito ECTS deberá axustarse aos modelos do apartado 2.

5. Mencións / itinerarios / especialidades

A docencia nas mencións en graos e mestrados con menos de 5 estudantes non poderá ser utilizada para xustificar a petición de prazas. O centro poderá non ofertar a mención, itinerarios ou especialidade, ou decidir mantela. Neste segundo caso, o centro e os departamentos que teñan encargada a docencia asumirán o compromiso de impartir a totalidade das horas asociadas ás materias. No PDA estas materias da mención / itinerario / especialidade figurarán con 21 horas de DE (ou de TGR) nun único grupo para unha materia de 6 ECTS ou coa parte proporcional que corresponda. Unha vez comprobada a existencia de matrícula e decidida a efectiva impartición da materia, o centro comunicará á Vicerreitoría de Profesorado a efectos da inclusión das horas restantes no POD do profesorado.

6. Cómputo de disciplinas optativas

As materias optativas terán unha carga docente equivalente a 7 horas por crédito ECTS.

Nas titulacións en que a oferta de optativas permita escoller unha entre máis de dúas alternativas reducirase, como máximo, a unha de dúas.

As optativas que no curso 2024/2025 tivesen matriculados menos de 5 estudantes poderán ofertarse sen que se teñan en conta no cómputo da carga docente das áreas de coñecemento para xustificar a necesidade de prazas de profesorado. Figurarán no PDA con 21 horas de DE (ou de TGR) para unha materia de 6 ECTS ou coa parte proporcional que corresponda. O centro e os departamentos que teñan encargada a docencia asumirán o compromiso de impartir a totalidade das horas asociadas ás materias. Unha vez comprobada a existencia de matrícula e decidida a efectiva impartición da materia, o centro comunicará á Vicerreitoría de Profesorado a efectos da inclusión das horas restantes no POD do profesorado.

Na oferta de optativas das titulacións terán preferencia as áreas con capacidade docente suficiente de profesorado permanente. A impartición de materias optativas non poderá utilizarse para xustificar a contratación de profesorado.

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	2/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





7. Adscrición de docencia en materias de formación básica, obrigatorias e optativas

Antes de contratar novo profesorado para unha área de coñecemento determinada, comprobarase se esta imparte docencia en materias de formación básica ou en obrigatorias con outras áreas afíns na adscrición funcional ou en materias optativas que estean adscritas tamén a outras áreas de coñecemento. De ser así, asignarase a docencia destas materias á/s área/s afín/s ou de adscrición que contén con capacidade docente. As propostas de asignación serán aprobadas pola Comisión de Organización Académica e Profesorado (COAP) e comunicadas ao centro e departamentos afectados.

8. Oferta de docencia en inglés

O PDA correspondente á oferta de docencia en inglés axustarase ao establecido na Normativa reguladora da docencia en inglés nas titulacións da Universidade da Coruña (aprobada polo Consello de goberno na súa sesión de 18/07/2024).

Para a creación dun programa de docencia en inglés deberá existir un número mínimo de 10 estudantes. Para crear novos grupos de docencia en inglés será necesario acreditar coa matrícula un exceso de 20 estudantes na capacidade dos grupos.

Os grupos de inglés que no curso 2024/2025 tivesen matriculados menos de 5 estudantes figurarán no PDA con 21 horas de DE (ou de TGR) para unha materia de 6 ECTS. O centro e os departamentos que teñan encargada a docencia asumirán o compromiso de impartir a totalidade das horas asociadas ás materias.

Para cada curso académico, os centros comunicarán á Vicerreitoría de Profesorado no modelo do anexo V:

- a continuidade das materias que se ofertan en inglés
- as materias de nova incorporación que, de acordo coa memoria de verificación do título, se impartan en inglés
- as materias obrigatorias de nova incorporación de plans bilingües que vaian ter un grupo en inglés, que terán que contar coa autorización da Vicerreitoría de Títulos e Internacionalización
- as materias optativas de nova incorporación que se impartirán só en inglés, que terán que ser autorizadas pola Vicerreitoría de Títulos e Internacionalización

9. Docencia en modalidade virtual

A docencia en modalidade virtual réxese pola Normativa que regula a modalidade docente dos estudos da Universidade da Coruña segundo a súa presencialidade (aprobada polo Consello de goberno na súa sesión de 2/05/2024).

O tamaño de referencia do grupo para a docencia virtual será de 10 estudantes. Para sumar un novo grupo de docencia virtual deberá acreditarse un exceso de 10 estudantes na capacidade do grupo.

A carga docente do grupo de docencia virtual será de 4 horas por crédito ECTS.

No profesorado con vinculación permanente á universidade, a dedicación ao ensino semipresencial non poderá superar o 50% da súa dedicación total, agás casos debidamente xustificadas.

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	3/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





10. Materias de mestrado

No caso de que un centro ofrezca estudos de mestrado, enténdese que as áreas de coñecemento que teñen adscrita esta docencia contan con profesorado suficiente e que, por tanto, se fan responsables de garantir que se imparta a docencia planificada ante calquera cambio imprevisto na capacidade docente.

Todas as materias de mestrado terán no PDA unha carga docente equivalente a 7 horas por crédito ECTS, agás que se xustifique a necesidade legal dunha intensificación docente, como acontece nalgunhas titulacións con atribucións profesionais.

O PDA dos mestrados universitarios deberá ser aprobado pola súa comisión académica con carácter previo á súa aprobación en Xunta de Centro.

11. Materias nos mestrados interuniversitarios

Nos mestrados interuniversitarios e nos mestrados con profesorado externo á UDC, as materias ou as horas impartidas polo profesorado alleo á UDC deberán deixarse sen distribuír entre as áreas. As Administracións dos centros deberán contactar co Negociado de Planificación do PDI (xestionpod@udc.gal) co fin de que se dean as instrucións oportunas para poder engadir en Sigma o profesorado pertencente a outras institucións distintas da UDC e que non figuren na aplicación.

Para efectos de xustificar a necesidade de prazas de profesorado, non se terán en conta no cómputo da carga docente das áreas de coñecemento as horas en materias duplicadas impartidas por profesorado externo á UDC ou en materias con menos de cinco estudantes matriculados na UDC. En mestrados interuniversitarios sen duplicación (total ou parcial) de materias e cun único itinerario optativo ofertado na UDC, computarase para as materias deste itinerario a matrícula do mestrado na UDC.

12. Títulos que teñan previsto o seu inicio no curso 2025/2026

Os centros remitirán á Vicerreitoría de Profesorado a relación de áreas de coñecemento e os departamentos a que estean adscritas cada unha das materias do grao/mestrado. Para os graos, remitirase ademais a adscrición funcional das materias de formación básica e obrigatorias a un mínimo de tres áreas de coñecemento, de acordo coa proposta da Comisión Redactora da titulación.

Recoméndase que se remitan as áreas o máis axiña posible co fin de poder cumprir cos prazos de elaboración do PDA.

13. Practicum

Para o cálculo da participación académica nas materias de *Practicum* terase en conta o número de estudantes matriculados por primeira vez, o número de créditos asignados ao *Practicum* no plan de estudos e a memoria de verificación da titulación.

As horas correspondentes a cada materia serán asignadas ao centro responsable da titulación que, na elaboración do PDA, as distribuirá entre os departamentos que corresponda.

14. Titorización e comisións de avaliación de TFG

A dirección do centro deberá comprobar en Xescampus os datos do profesorado que fixo a titorización de TFG ou participou nas súas comisións de avaliación entre o 1/01/2024 e o 31/12/2024. No caso de detectar algunha incidencia, deberá comunicala á Vicerreitoría de Profesorado no momento de elaboración do PDA para proceder á súa corrección.

Consulta en Xescampus: *TFG.TFM.DIR Listaxe dos Directores de TFG/TFM por Centro e Titulación* e *TFG.TFM.DIR.ALUM Listaxe Alumnado e Directores de TFG/TFM por Centro e Titulación*.

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	4/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





Consulta en Xescampus: *TFG.TFM.COM Listaxe das Comisións Avaliadoras de TFG/TFM por Centro e Titulación*”.

15. Titorización e comisións de avaliación de TFM

A Vicerreitoría de Profesorado remitirá aos centros os datos do do profesorado que fixo a titorización de TFM ou participou nas súas comisións de avaliación entre o 1/01/2024 e o 31/12/2024.

No caso de detectar algunha incidencia, a dirección do centro deberá comunicala á Vicerreitoría de Profesorado no momento de elaboración do PDA para proceder á súa corrección.

16. Titorización académica de prácticas externas curriculares en empresas e institucións

A dirección do centro remitirá á Vicerreitoría de Profesorado os datos do profesorado que titorizou prácticas externas curriculares entre o 1/01/2024 e o 31/12/2024 seguindo o modelo do anexo II.

Estes datos non poderán ser modificados tras a finalización do prazo de elaboración do PDA, agás erro manifesto.

17. Titorización académica de prácticas externas extracurriculares en empresas e institucións

A dirección do centro remitirá á Vicerreitoría de Profesorado os datos do profesorado que titorizou prácticas externas extracurriculares entre o 1/01/2024 e o 31/12/2024 seguindo o modelo do anexo III.

18. Finalización do encargo docente

Tras a súa aprobación pola Xunta de centro, a dirección do centro comunicará a finalización do PDA á Vicerreitoría de Profesorado a través do correo electrónico vp@udc.gal.

A Vicerreitoría de Profesorado revisará a proposta de grupos. Unha vez confirmado o PDA pola Vicerreitoría, será incorporada ao POD e comunicarse aos departamentos a apertura do prazo para realizar a asignación do encargo docente.

19. Interpretación da norma

A Comisión de Organización Académica e Profesorado, por delegación do Consello de Goberno, será a encargada de dilucidar calquera dúbida ou problema en relación coa interpretación deste procedemento.

A Coruña, asinado dixitalmente

A vicerreitora de Profesorado
P.D. do reitor (RR 10/07/2024)
Teresa López Fernández

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	5/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





Anexo I. Indicacións para os centros

Conéctese co seu navegador web á páxina: <https://xescampus.udc.es>

As consultas sobre o **procedemento** poderá realizalas a:

Roberto Nuez	Xefatura do Negociado III Servizo de Persoal Docente e Investigador	1092	xestionpod@udc.gal
Xaquín González Fuentes	Secretaría da Vicerreitoría de Profesorado	1184	vp@udc.gal

As incidencias de **carácter técnico** deberá comunicalas a través en <https://axudatic.udc.gal/>

No caso de non dispor da clave de acceso a Xescampus deberá remitir a través de AxudaTIC o impreso dispoñible en http://www.udc.gal/export/sites/udc/aspau/galeria_down/documentos/Alta_Xescampus.doc

Para facilitar outros procesos posteriores relacionados coa xestión académica, os centros deberán introducir en Xescampus as seguintes informacións:

- Mestrado interuniversitario. Engadir na pantalla de Planificación/Inclusións” as universidades do sistema universitario de Galicia en que se imparte cada materia.
- Materias que se extinguen ou que non terán docencia nas que existe o dereito a exame. Marcar coa característica EX/MX, poñer Grupos 1 (de teoría) e horas 0, para poder asociar un/unha profesor/a no proceso de POD (só actas), que cualifique aos estudantes e asine as actas correspondentes.
- Materias sen docencia nin dereito a exame. Márquese a característica XT/NM, extinguida non matriculable.
- Convocatoria. Asíciase correctamente o cuadrimestre (1º / 2º) ou convocatoria anual en cada caso.
- Primeiro primeira vez. Síñalese esta condición naquelas materias asociadas a estudantes de primeiro curso.

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	6/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





Anexo III. Prácticas externas extracurriculares
Período: 01/01/2024 a 31/12/2024

TITORIZACIÓN DE PRÁCTICAS EXTERNAS EXTRACURRICULARES (Non poderán adjudicarse horas a profesorado que teña redución por Actividades de Xestión Universitaria ou vinculación a tempo parcial)		
APELIDOS E NOME DO PROFESORADO	NIF (sen puntos nin guións)	HORAS TOTAIS DO PROFESORADO (número enteiro)

A Coruña/Ferrol ___ de _____ 2025

Decano o secretario de Centro

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	8/10
Url De Verificación	https://sede.udc.gal/services/validation/iSNSshvp9yeBFwFrRdt6Dw=		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





**Anexo V. Incorporación/eliminación de materias á oferta de inglés no PDA
do curso 2025/2026**

INCORPORACION Á OFERTA DE INGLÉS: GRAO EN _____			
CURSO	MATERIA CÓDIGO	MATERIA NOME	NECESITA GRUPO ADICIONAL SI/NON

RETIRADA DA OFERTA DE INGLÉS			
CURSO	MATERIA CÓDIGO	MATERIA NOME	NECESITA GRUPO ADICIONAL SI/NON

A Coruña/Ferrol, __ de ____ 2025

Código Seguro De Verificación	iSNSshvp9yeBFwFrRdt6Dw==	Estado	Data e hora
Asinado Por	Vicerreitora de Profesorado - María Teresa López Fernández	Asinado	20/12/2024 16:15:51
Observacións		Páxina	10/10
Url De Verificación	https://sede.udc.gal/services/validation/iSNSshvp9yeBFwFrRdt6Dw==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

